



Diario



pa Aruba



ANJA 21

DIALUNA 18 DI JULI 1960

Nr. 3787



Hector Monteverde y Cecil Hengeveldt riba escenario di Bolivariana.

DEN PURA:

Nan a prepara programa pa saluda Monteverde

ORANJESTAD. — "Mi kier pa mi corazon ta manera un troshi di drif, pero un grandi, pa mi parti no uno sino varios drif na cada uno di bosonan". Hector Monteverde colaborador di television na Caracas a bisa e publico di diadomingo.

Esaki tabata durante un programa musical cu nan a prepara na su honor y despues cu e mes a subi escenario, nustru algo di su arte, y gradici pa e aplausonan. Nos a keda cu gana di bini e opinion di e artista aki ariba loka cu el a mira. Kiko e localnan fia pa futuro segun su punto di bista. Esaki tabata e idea log di e organizadornan? Pero senyor Monteverde a keda "callao" den e sentido aki.

Sinta den primera fila, huntu cu su dos companero di viahe senjores Andres Marquez di Oficina di Turismo Antillano na Caracas y S.G.M. Rozenal hefe interino di R.V.D. y den compania di greffier mr. J. Eleonora y miembronan di directiva di Sociedad Bolivariana y Centro Unido Venezolano Hector Monteverde, cu a mira varios artistanan di nomber, tabata seucha cu atencion pa despues di e numeronan aplaudi mescos cu e otroan.

E programa musical cu a ser prepara e mesun dia ey, tabatin su momentonan den cual e organizadornan a keda basta di desdaza. E soppi tabata tra-

ha un poco pura y por lo tanto tabatin algun tayo cu a hanja mas salo cu otro.

E artistanan local, algun di nan cu nos ta acostumbra di mira den shownan recien teni, a haci nan meho, posibel pa duna un bon impresion. Entre e artistanan ariba escenario nos a mira Padu del Caribe y Tally Lopez, y pa nos y pa e publico tabata un gran satisfaccion di tende atrobe voz di nos artista Rhoda Steenhuisen Frigier, despues di un ausencia hasta largo.

Tabata lastima si cu Rhoda, contrario cu e otonan, por a canta solamente un numero. E aplausonan despues di "Maria La O" mes a papia pa un otro interpretacion. Tambe e tres alumnonan di Rhoda, Esther de Castro y Rudolf Bréte mescos cu Mariselo Luydens for di awor, caba ta mustando clase. Tabata nan tambe cu a causa maior impresion ariba e Venezolano. Trio Los Aventureros keto bai ta sigi subi e escalera di popularidad. Pero si nos a spera un variacion den e actuacion di e grupo di baile. Un otro numero musical, mas comprendemento y un estilo nobo di baile, por chemplo.

Monteverde a corre subi

Na un manera cu e ta costumbra di haci na television Hector Monteverde

na final a corre subi escenario, bisti un di sombran di piscado y baña huntu cu senjorita Hengeveldt e tumba Peruchi. Tabata puro Venezolanismo loka Monteverde a mustra den su baile. El a complac tambe y esaki tabata cu dos numero musical. "Sombr en los Medanos" y "Te quiero Dijiste", esun cu ta bisa asina: "Arubana Linda de Caballos de Oro".

Tur e artistanan y esnan cu a juda pa realiza e programa aki a subi escenario na final huntu cu senyor N. Piña Lampe pa gradici y cera conoci cu Monteverde. No tabata falta tampoco e damanan cu a bini especialmente pa e autografo. Hector Monteverde no por a keda mucho mas, e tabatin un compromiso den Aruba Caribbean Hotel.

Diadomingo el a probecha di hishita diferente lugarnan na e isla y el a bishita gezaghebber y e diputadonan tambe. El a gosa di un bon rijstafel na "Bali" y anochi tabata huesped di Padu Lampe na cas, na unda e por a gosa di un anochi di musica tipico Arubano.

Ayera mainta el a bishita back pa Caracas, cu basta hopi portret y cu hopi impresion di nos isla. Esakinan lo e por usa bon den su programa di tur dia di 4.00 — 4.30 P.M. via Radio Caracas Television den su "Studio di Hector Monteverde", cu propaganda tocante Antillas.

E propaganda aki, cu ta ser agrega den su programa normal, ta continua asina te cu december. Di dialuna te diadomingo e programa aki ta sali riba television.

PA SER COMPLETO

ORANJESTAD. — Den nos articulo riba Protestanten Christelijk School na San Nicolas tabata falta algun palabrita. Nos kier meen den e frase "Y loka ta mas agradable ainda, cu algun di nan a hanja e mihor puntunan". "den e cuater idiomaan" mester a bini acerca.

GANA

P-L-A-C-A



BEBE PEPSI

„Look under the Crown“

SEGREGACION NA CONGO

Preparacion pa „un Katanga independiente“

BRUSELA, 17 di Juli — E prome ministra di Belgica, Eyskens, a declara despues di un reunion di Consejo di Ministro Belga, cu e embahador belga na Moscú a ser yama pa consultacion „pa motibo di gesta impermisibel (di Rusia) pa cu e ministra belga di relaciones exteriores diabiernes pasa e e embahador ruso na Brussel a manda un nota en contesta di otro nota ruso back). Eyskens a bisa: „Nos a yama nos embahador y tur hende sabi quico esaki ta nifica den idioma diplomata. Nas ta un nacion chiqui. Nos tin derecho riba respet, mas ainda di paisnan, cu mercedamente ta ser califica como paisnan agresor“.

Tocante e embahador belga na Congo, Eyskens a bisa, cu esaki ta queda na su puestu, bao di proteccion di trupanan belga.

Tambe Eyskens a bisa, cu retiro di trupanan belga di Congo lo socede bao di e condicionnan cenoci, esta cu gobierno belga kier asegura bida di e residentenan europeo na Congo efectivamente.

Prome ministro Eyskens a bisa tambe, cu gobierno di Belgica a ricibi un mensahe importante di prome ministro di Katanga, e provincia congolese, cu a anuncia su segregacion di gobierno central di Congo.

Un representante especial di gobierno belga a sali awe pa Congo. Esaki ta nifica, cu prome ministro Chombe di Katanga a bandona intencion pa bai New York, unda lo el a splica su posicion dilanti di Nacionnan Uni. Prome Chombe a participa ayera cu e directenan di e provincianan limitrofe di Katanga, manera Kasai y Kivu, cu distancia nan di gobierno central di Congo y kier efectua un asociacion cu „un Katanga independiente“.

Chombe a bisa tambe, cu el a ofrece e vicepresidencia di estado independiente di Katanga, y ademas cuater puesto di ministro na oposicion den e otro provincianan di Congo. Observadornan ta supone, cu Chombe, cu e gesto aki, kier stimula solidaridad entre e poblacion congolese.

Chombe a declara, cu el a rechaza e oferta di Nacionnan Uni pa manda trupa Katanga, pasobra e ta teme cu den tal caso lo socede desorden.

Un portavoz militar belga a declara, cu un grupo comunista na Katanga a ser liquida. E grupo aki tabata consisti di 15 hende blanco y 50 hende di color. Peliznan na Elizabethville, capital di Katanga, a confiscar un radioemisor, cu tabata ser usa pa manda informacion incorrecto pa aeroplano, cu tabata trece solda na Elizabethville. Un italiano a ser exculpa.

Congo a quibra relacion diplomatica cu Belgica

Prome ministro Lumumba di Congo a declara, cu Congo a kibra su relacionnan diplomatico cu Belgica, pasobra e hegelon a trata na mat'e y president Kasavubu. E autoridadnan belga na Katanga y a larga e avio hula rond te ora e combustible caba. Loque a causa nan morto. E relacionnan diplomatico cu Belgica lo ser restora unicamente despues cu ultimo solda belga a bandona territorio congolese.

Lumumba a bisa tambe, cu pueblo congolese kier ainda pa e hendenan blanco queda den e pais. E ta lamenta e crimenan, cu congolesean a comete „den e siman di panica“. „Nos lo no omisi esfuerso pa huzga e culpablenan“. „Nos no ta comunista, aunque nos a haci un yamada na Rusia, y nos lo proba esaki pronto. Nos

ta nacionalista africano“.

Na Brussel a ser anuncia, cu e representante belga cerca Nacionnan Uni a ricibi instruccion pa presenta un queho tocante e etueladnan, cometi contra ciudadanonan belga na Congo.

Awe a bolbe sali contingentenan di infanteria for di Belgica pa Congo. Di varios parti di mundo, entre otro Rusia, Alemania occidental, India, Congo a ricibi promesa di caviu di comestible.

Na Baton Rouge, den estado Louisiana pa Merca, dirigente di un organizacion estudiantil, a haci un yamada na hobennan mericano di color pa

oferta un servicio en Congo.

KLM ta sigui transporta refugiado-

Di fuente fidedigna na Brussel ta ser informa, cu un hapor di carga polaco cu 300 tonelada cu arma a bordo ta na caminda pa Congo. Belgica, simultaneamente, a informa Nacionnan Uni, cu descarga di e arma y municionnan aki na Congo lo ser considera como un „acto belico“.

Tabata calmo ayera na Leopoldville

Tabata calmo ayera nochi na Leopoldville. E embahada belga ta funciona normal no obstante e nota di gobierno congolese anunciando rupura di e relacionnan diplomatico cu Belgica. E edificio ta ser guarda pa paracadistanan belga. Den cayanen ta haya soldadonan ehane, congolese y Belgica, cada un den su propio sector. E presidente y president di senado congolese a desmenti awe na Leopoldville, cu parlamento a aproba e ruptura di e relacionnan diplomatico cu Belgica.

Na Brussel nan a instala un comision pa investiga e asunto na Congo.

Jersey Standard tocante „Intervencion“ na Cuba

SAN NICOLAS — Standard Oil Company (New Jersey) a haci e siguiente declaracion despues di worde informa cu gobierno di Cuba a interveni den operacionnan di Essosa, su afiliado na Cuba: „Cama virtualmente no tin produccion di azeta na Cuba mes, nos afiliado cu ta opera den e pais aki durante hopi anja larga ta obtene azeta crudo pa su refinaria for di Creole Petroleum na Venezuela.

„Ta basta mas cu un anja cu Essosa ta experimenta dificultad pa obtene divisas necesarios pa paga pa e crudo cu e ta importa. Essosa a mantene e cargamentonan, sin embargo, mientras e compania mes ta furni e divisas te tal tempo cu gobierno lo ta capaz pa haci e pago. Nos entrego di azeta na Cuba nunca a faya ni den periodo di guerra, e crisis di Suez, escasez di tanquero of otro dificultad.

„Na April di a anja aki gobierno Cubano a informa Essosa cu divisas pa pago di cargamentonan corriente lo worde haci disponible dentro di nobenta dia despues cu e cargamento yega

na un puerto Cubano. Un suma total di mas cu \$26 million ta e debe na furnidornan di Essosa, mas di mita di

Sigi lesa pag. 2



trouble-free

If you cannot breast feed baby, choose a food which resembles breast milk in nourishment, in digestibility and in health protection—Lactogen.

Lactogen is an all cow's milk formula plus vitamins A and D and iron, and it is so easy to prepare.

thanks to

LACTOGEN



Prepared by Nestlé's especially for infant feeding

NAN A HANJA MONTE

ORANJESTAD. — Diadomingo anochi pa banda di 7'or y mei un empleado di douane (selador) a mira algo ta drief dilanti havenkatoor den haaf di Oranjestad mas o menos cuarenta meter for di costa. El a avisa polisnan, kende poco despues cu un boto di loads por a pisca e cadaver di e Curazolenjo di 33 anja H.M.P. Monte.

Tabata enberdad anto cu ta Monte tabata e homber cu a cai den haaf diadomingo anochi y a foga.

E mesun anochi nan a dera e homber aki. E no tabata casa y no tabatin un lugar fijo pa bini na keda.



Chikito pero spierito
ORANJESTAD. — Polisnan di Santa Cruz ta buscando un homber cu huntu cu cuater cachu chikito tabata bini den un auto bieuw na Santa Cruz. Parec cu e cachornan aki a morde cuater cabrito chikito mala, y huntu cu nan donjo a baha na awa despues.

FATUM — Tel.: 1845
Pa tur bo aseguronan



BASEBALL!



WILHELMINA STADION

Awenochi pa 8.00 'or

ORANJEBOOM vs. MARLBORO

(A-klasse)

Entrada Fl. 1.— y Fl. 0.50
Damas gratis.



EUROPEANONAN A HUI FOI CONGO. Miles europeanonan a hui foi Congo pa busca un luga mas salvo. Riba e portret aqui nos ta mira un enorme cantidad di fugitivo ta bahando na Brazzaville.

INTERVENCION NA CUBA

Cont. di pag. 1

dje pa entregonan durante anja pasa. Ademas, basta desde cu gobierno a combini pa bai ariba base di nobena dia pa cargamentonan coriente, casi \$4 milian a acumula y ta keda sin regla.

Creole Petroleum

En vista di e situacion aki, Essosa recientemente a wordo informa door di Creole Petroleum cu e ultimo aki ta sinti incapaz pa sigui manda crudo pa refineria di Essosa na Havana excepto contra pago en adelante. En cuanto cu gobierno no kier hende cambio estranhero na Essosa pa peso, e compania no por ofrece tal pago en adelante. Pues, pa motibonan puramente economico Essosa tabata obliga pa suspende importacion di azeta crudo cu su refineria mester pa sigui opera.

Ademas di e arreglo haci door di gobierno Cubano na April, Essosa a recibí un carta for di Banco Nacional di Cuba ariba Mei 17, indicando cinco proposicion — cuatro di nan relaciona cu pagamentu di e divisas substancial debi, y di cinco refiriendo na e comercio serra entre Cuba y Union Sovietico, como resultado di cual gobierno Cubano ta expecta di importa crudo for di Rusia.

E ultimo proposicion tabata cu cada un di e tres refinerianan grandi esta-

bleci den e pais lo wordo entrega 300.000 tonelada di e crudo Rusiano aki durante resto di anja na un prijs cu lo wordo combini. E cantidad indica — equivalente na mas of menos 11.000 barril pa dia pa cada compania — ta suma na mas of menos milard di consumpcion petrolero di Cuba.

Ariba 6 di Juni Essosa a contesta cu e ta acepta e proposicionnan tratando cu liquidacion di balancen di divisas, pero cu e ta incapaz pa acepta e proposicion pa sustitui azeta Rusiano pa azeta Venezolano den su refineria. Tradicionalmente Essosa a obtene crudo pa su refineria na Havana for di Venezuela y pa acepta e 300.000 tonelada di crudo Rusiano lo nifica cu e cantidad di azeta Venezolano lo mester wordo reduci di acuerdo.

Exactamente den e algun añanan cu a pasa e compania a inverti como \$30 milion den modernizacion di su refineria y expansion di su capacidad for di 9000 pa 35.000 barril diario. E inversion aki a wordo haci den e esperanza cu lo e por sigui ehece su libertad tradicional pa selecta su fuente-na pa importacion di crudo. Siguramente e no a wordo haci cu ningun pensamentu cu e compania lo wordo forsa pa compra crudo for di Rusia pa corre door di su refineria.

Nos ta acutua cu nos posicion den e asunto aki no ta duna evidencia di falta di cooperacion pa cu pueblo Cubano. E suplica, sin embargo, tabata parece nos irrazonable.

No obstante cu Essosa a acepta e

proposicionnan di gobierno en respecto liquidacion di e balancen di divisas debi, divisas no a wordo haci disponible, maske declaracionnan publica door di oficialnan Cubano a indica cu reservanan di divisas di e pais ta aumentando.

Nos afiliado ta estableci na Cuba setenta y ocho anja. El a haci inversion substancial den refineria di Havana y tambe den facilidatnan di ventas y otro instalacionnan. E inversionnan aki a wordo haci den expectativa di por refina crudo for di fuente-na di Costumber. Cortando afor e fuente-na aki pa haci ligar pa crudo Rusiano lo causa pesadez ariba paisnan, tal como Venezuela, di cual su economia ta depende fuertemente ariba nan mercado pa material crudo.

No Azeta Importa

E ley cita door di gobierno como requierendo pa refinarianan na Cuba duna preferencia na azeta di gobierno, ora lezele den su pleno contexto, ta referi claramente na azeta produci na Cuba mes, si azeta wordo descubri aki na cantidad comercial — no pa azeta importa door di gobiernu.

Durante henter su existencia Essosa a contribui na un manera importante na economia Cubano. Nos ta deplora profundamente e accion tunu door di

gobierno Cubano. Nos afiliado a duna empleo na mas di 1000 Cubano. E payroll, incluyendo costo di programa di beneficio pa empleadonan, ta pasa \$5 milion pa anja.

Di e empleadonan, tin trenta y tres cu a traha pa compania cuarenta anja of mas; 149 cu trenta anja of mas di empleo, y 370 cu mas di e binti anja. E resto di empleadonan tin un promedio di diez-cinco anja di servicio".

(Esso News)

A. L. BRANDLHOFFER TA DIRIGI ESTUDIO DI PETROQUIMICO

SAN NICOLAS — A. L. Brandlhofer a cuminsa traha na Lago Juli 1 encarga cu un grupo pa studia posibilidadnan petroquimico. Lago no tin plan immediata pa agrega facilidatnan di fabrica produccion petroquimico. Sr. Brandlhofer tin gran experiencia den e tereno aki y ta bini Lago despues di tres anja den trabao similar na Alemania cu un afiliado di Jersey. Esso A.G. El lo wordo asisti door di un grupo di ingeniero incluyendo T. J. Dimmock, T. E. Fitzgerald, F. L. Leighty y L. N. Stanley.

(Esso News)

Definicion gratis di grupo di sanger na Corsow

Anotacion riba kaarchi por salba bida di hende

WILLEMSTAD —

Gracias pa un iniciativa masha interesante a bira posible cu na Corsow por posee un kaarchi riba cual bo grupo di sanger por ta anota. Dje manera ai lo por ta facil pa yuda un herido prome cu tin nudi di fiha grupo di sanger dje victima. Apesar dje kaarchi di grupo di sanger, e peticionanonan ta hanja un plachi pa plak dilanti dje ruit, foi cual por deduci cu e interesado tin un kaarchi den su poder.

E iniciativa aqui a ser tunu pa e comision di gruponan di sanger dje comision central di seccion Curacao di Cruz Roja Neerlandes. Gracias pa e cooperacion asina aprecia di servicio medico di Shell Curacao N.V. Cruz Roja y Automobiel-Club Curacao, tanto e dificultad como e administracion dje gruponan di sanger a ser haña gratis.

E comunicando den cual e proyecto aqui ta ser participa ta bisa asina: "Indudablemente lo bo ta na altura cu den masha hopi caso e heridonan na accidentenan di trafico, violencian di gera, y catastrofenan di naturaleza tin di gradici nan bida na un transfusion di sanger aplica na tempo.

Pa aplica e transfusion di sanger aqui na un momento dado di emergencia sin perdida di tempo, mester conoce di antemano sin embargo e grupo di sanger y rhesusfactor dje persona herida. Pesei anto ta di sumo importancia, pa cada heade y sigur pa cada automobilista di larga defnii foi awor mes cuba y resultadonan di e examinacion queda na cargo di un cierto kaarchi di grupo di sanger, mientras e kaarchi aqui bo mester tin cerea bo.

E kaarchi di grupo di sanger ta exclusivamente un medida di ayudo pa por hanja sanger libe, pero no pa duna sanger.

Afin di por desarella un y otro na gran escala, e tres promerian cu ta menciona aqui bao a forma un comision di gruponan di sanger, cual lo sigui empenja e obieto anteriormen-te menciona.

Mas abao lo bo ser informa com lo bo por conseguí un kaarchi di grupo di sanger di Cruz Roja.

Secretario dje comision aqui ta tene sesion cada diahuebs di 4.30 te 5.30 di atardi na Pieterman 22, cofre-frente di teatro Roxy.

Aya bo ta yena un formular di peticion. Bo ta ricibi un kaarchi cu cual gratis bo por larga estimala na laboratoriu di Sanatorium bo grupo di sanger. E procedura aqui des-

pues di pedida telefonica — segun deseo por ser sigui na un dje direccionnan menciona mas abao.

Empresa y institucionnan cu ta desea kaarchi di grupo di sanger pa un numero di miembronan di su personal pareu, esakinan tambe por acudi nan na direccionnan menciona mas abao. Mescos tambe ta valido pa esnan cu no ta miembro di clubnan ariba menciona.

Despues cu e comision a ricibi resultadonan di laboratoriu, e secretario ta manda bo gratis e kaarchi di grupo di sanger (pa bo pone hunto cu bo rijbewijs). Y tambe lo bo ricibi un circular pa bo plak, na bo ruit

dilanti, cual ta un indicacion cu bo tin den bo poder di un kaarchi di grupo di sanger.

Interesadonan, di cual antes eaba e grupo di sanger y rhesusfactor a ser estipula (empleadonan di policia, militar, empleadonan di Shell, donors y otro particularnan) por hanja e kaarchi di grupo di sanger hunto cu e plakker pa e ruit dilanti di auto cerca secretario di comision di grupo di sanger, cental cu nan muestra nan formulario oficial di laboratoriu y e formular di peticion den nan poder.

Pasonan cu gobierno Mericano ta tumando

WASHINGTON, 17 juli. — Gobierno mericano ta tumando paso pa pidi Congreso aprobacion den curso di otro luna pa un suma di 500 milion dollar pa sosten di America Latina.

President Eisenhower, kende ta cu vacacion actualmente, a anuncia na principio di e siman aki, cu e lo mandá un mensahe pa Congreso na agosto, pidiendo placa pa un programa di sosten na America Latina.

Loque a ser desmenti na Ghana

ACCRA, 16 juli. — Un vocero di departamento di relaciones exteriores di Ghana a desmenti, cu gobierno di Ghana a declara, cu e militarnan ghanes cu lo ser manda Congo, "lo asisti trupanen belga pa restora orden". El a declara, cu e soldadnan ghanes cu ta bai Congo, lo ser manda pa asisti e republica congoles, y no pa yuda un potencia extranhera.

Estudiantenan demonstrante deleni na Mexico

MEXICO, 17 juli. — Mas o menos 20 estudiantes a ser deleni y tres herida den curso di demostracionnan "castrista" na Ciudad di Mexico. Nan a ataca edificio di e corant "Zolaco", cu a pronuncia su mes contra manifestacionnan anterior contra Estados Unidos y a Tabor di Cuba.

Cuba a revoca su queho contra Merca cerca consejo di Seguridad

WASHINGTON, 17 juli. — Segun fuente diplomatico na Washington, Cuba a dicidi di revoca su queho cerca Consejo di Seguridad contra Merca bao di presion di paisnan Latino americano.



MAS DI SEIS TON DI MENOS PA DIAMANTA NA LONDEN. Na e vindishi conoci di Christies na Londen, na unda Dia Mars joyanan te na un balor di 2,5 million florin a cambia di donjo, a queda un diamanta na forma di peer di 49.03 karaat, cual a ser entrega pa un personage real, quende su number a prefera di queda desconoci, a queda sin ser bendi, ora cu e diamanta aqui su prijs a ser alcanza e suma di 620.000 florin. E oferta di mas altu aqui cu te ainda tabata hopi abao di su prijs berdadera a ser ofreci pa yiu dje ex-revuester Nettie Crusier di 70 anja di edad. E portret aqui ta duna bo un idea dje sala di vindishi durante e esfuerzo pa venta dje diamanta real.

'n All-round vulpen voor 'n populaire prijs!

Parker SUPER "21"



VOOR DEZE PRIJS ZULT U NERGENS ZO'N GROTE PERFECTIE VINDEN!

Niet één ander merk kan tippen aan deze schrijfsoulesse, deze soliditeit en robuuste vormgeving... en toch is de Parker SUPER "21" verrassend laag geprijsd! Vele van de exclusieve constructiekenmerken vervat in de kostbaardere Parker modellen gaan hier samen met duurzame materialen en precisie-vervaardiging. De SUPER "21" biedt dan ook vele jaren van schrijfperfectie met een maximale bescherming tegen lekkage en breuk. Thans verkrijgbaar in vijf puntbreedten en vier sprankelende kleuren.



EEN PRODUKT VAN DE PARKER PEN COMPANY

PALAIS ROYAL (ARUBA) N.V.

Obtene e MAXIMO den camisanan sport... Calidad, comodidad, estilo moderno

VAN HEUSEN®

E dibujonan y estilonan di camisa sport VAN HEUSEN no solamente ta bunita, ademas nan ta exclusivo! Y nan tur ta traha pa experto en un corte anatomico perfecto den telanan di mas fini y sumamente comodo, moderno y elegante.

Den un variedad grandi di disenjo cu manga cortico y largu y tiponan distinto di col, Color blanco y un smitido extenso di colornan vibrante. E camisanan sport VAN HEUSEN ta ofrece mayor balor na camisa na prijsnan sumamente razonable. Mira y compara e camisanan sport VAN HEUSEN!



Di venta na e mehor pacusnan

cool idea... air condition now!



GEORGES ARNAUD A SER LIBERTA. E escritor Georges Arnaud, autor di „Het loon van de angst" a hanja libertad foi prison di Fresnes despues cu el a ser sentencia pa un tribunal militar frances pa dos anja condicional, riba e acusacion di a facilita ayudo na e profesor Frances Francis Jeanson na F.L.N. algerino, mientras e no a denuncia esagui na poliznan frances. E portret ta muntra Arnaud (meimei) hunto cu su muhe despues cu el a hanja libertad, para riba plaza di berdura na Francia.

Cu dos penalty San Nicolas Jrs a gana Jong Aruba

(Di Nos Redactor Deportivo)

O'STAD — E campeonato di hoofdklasse 1960 ta tumanando un rumbo cu ta unicamente cu penalty portidonon ta worde dicidi. E ultima encuentro hunga Diosobra onochi entre Jong Aruba y San Nicolas Jrs. a trece un total di tres gol, cualnan tur tabata producto di penalty. Especialmente den e ultimo tres partidonon e penalty-nan a abunda y dicidi partido.

Jong Aruba y San Nicolas Jrs. a opo otro diasabra fallo; ambos tabata hungadoman regular cu pa mofio di lesion na por tabata den accion. Asina nos por nota den e alineacion di Jong Aruba e ausencia di Antero Gil, biek Farro y Urbano Perez, mientras cu San Nicolas Jrs. tabata falta Coty Lopez, Boysie Alerto y algun otro cu si tabata hunga abata minka. Tur esaki tabata tin un efecto riba e wegá y di bon futbol consecuentemente nos no por a goza mucho.

Na principio di e partido e muchanan di San Nicolas a pone e defensa di Jong Aruba hopi na trabao. Keeper Nel Frank a baci varios bon buda salbando su equipo di un anotacion en e contra.

Linksbuten Chico di Jong Aruba hanja e prome oportunidad di su

equipo. Su shot a bai directamente den man di keeper Sonny Hoo. E Midvoor Cheppy Kelly ta cobra un handsbal den di 28 minuut cu ta rebota fuertemente contra di lata sin cu keeper Hoo por desvia e cuero.

Cecilio Farro ta anota e pramer

Exactamente 30 minuut di wegá tabata tin ora cu un atake di Jong Aruba ta resulta den un handsbal di back Paulino den doelgebied. Refri Elie Tromp ta constata e penalty y ta senjala pa e punto fatal den aerea penal. Cecilio Farro linksbuten di Jong Aruba ta cobr'e. Su shot bon coloca den skina a babri e anotacion poniendo Jong Aruba dilanti 1 pa 0.

E muchanan di San Nicolas ta haci estuerso extra awor pa anota tambe.

Mas o menos 7 minuut despues di e gol di Jong Aruba, pa San Nicolas Jrs. tambe ta resulta un penalty. Midvoor Chimbo Vrolijk ta peneira, cu un fuerte shot pa pone e anotacion parewe.

Proximo atake di San Nicolas Jrs. tabata un peligroso. Despues di un pifa di back Roza, e delantero Zep Bislick, veterano ya retira kende mester a drenta den accion pa su club atrobe debi na e multiple lesionadonnan, ta rush aden so. Na momento di shoot sin embargo e bala ta haci un bounce malo y keda masha in-comodo. Door di esaki e shot di Zep a sali net na banda.

Un contraatake di Jong Aruba ta fracasa faltando algun seconde pa halftime bai aden.

Segundo mitad

E onena di Noord a cuminsa atake tan pronto e partido a worde reanuda. Un voorzet for di links ta worde desvia door di back Joy La Rosa net na ora. Otro biaha Cecilio Farro ta ricibi pase pero e ta kop net den man di keeper Hoo.

Largo rato e defensa di San Nicolas Jrs. ta hanja hopi trabao. E linea delantera di Jong Aruba no ta logra sin embargo penetra e meta contrario mas.

Chimbo Vrolijk ta cobra otra penalty

Miguel Yong di Jong Aruba ta comete un handsbal den doelgebied despues di 26 minuut di wegá, y refri Tromp ta duna e senjal pa e tercer penalty di wegá. Atrobe ta e shot di mas fuerte den linea delantera di San Nicolas Jrs. Chimbo Vrolijk, ta para tras di e cuero pa cobr'e. E biaha aki e no ta tira tanto fuerte sino mas bien ta coloca e bala net for di alcance di e portero Frank. Cu e gol aki San Nicolas Jrs. a bai arriba 2 pa 1.

Y e gol aki ta resulta decisivo ya cu apesar di hopi atake Jong Aruba no ta logra anota mas.

Nan ta forza varios corner, pero for di tur e defensa di San Nicolas Jrs. ta sali bon. Cheppy Kelly ta kop uno cu ta bai directamente den man di keeper Sonny Hoo. Otro ta Bibi Perez ta adelanta y kop pero na banda. Un voorzet di Farro ta worde ricibi door di Vale de Kort. Esaki ta para y shoot bon, pero cu un largo uitalv keeper Sonny Hoo ta salba e situacion. E momento di peligro aki tabata hopi serio y mas cerca cu nan a yega na anota nan segundo gol.

Linksbuten Ergilio Martinez di San Nicolas Jrs. ta ricibi un pase-largo y ta rush ariba gol. Na momento cu tur hende a kere cu e ta bai shoot sin embargo el a dicidi di pasa e bala pa su companjeron ariba ala drechi Rey Raemijn. Esaki ta entrega e cuero luega na Zep Bislick, kende ta busca di shoot directamente pero ta hera e bala por completo.

Poco despues ta e diminuto Boei Briezen ta busca e tercer gol di su equipo. Su shot tabata mucho halto.

Un shot di Vale de Kort ta haci mal bounce atrobe dilanti di keeper Ho y ta dal na e ucurpa bai corner. Promer cu esey tres biaha e portero di San Nicolas Jrs. no por a garra e bala debi na cu e tabata haci bounce stranjo. Nos a hanja e impresion cu tabata falta algo na e bala.

Hopi esfuerzo ta worde haci door di e nortenanon den e ultimo diez minuut. Pero Joy La Rosa y su companjeronan tabata para firmemente y dispuesto na cuida e minimo ventaha cu nan tabata tin.

E partida a caba cu e anotacion di 2 pa 1 na favor di San Nicolas Jrs. E scoreboard sin embargo no a duna un bon impresion di e wegá. Den e promer tempo e muchanan di San Nicolas a domina algo mas, pero den e segundo tempo e muchanan di Noord a ataca cu mucho mas frecuencia. Nan no a logra anotacion debi na hopi korbai cu tabata bai directamente den man di e portero y no provecha oportunidadnan cu nan a hanja. Mester worde bisa tambe cu apesar di tin varios hungador minka ariba tereno, e defensa di San Nicolas Jrs. a logra tene e rapido delanteronan contrario.

San Nicolas Jrs. a paso po number uno

Cu e victoria aki nos ta hanja cu San Nicolas Jrs. ta mantene su mes invicto y a pasa pa ocupa e promer puesto riba e tabla di posicion hunto

cu R.C.A. Awor nan tin dos victoria y un empate den tres salida, mientras cu Jong Aruba tin den cuatro salida tres derrota y un empate.

San Nicolas	Jrs.	R.C.A.	Estrella	Aruba Jrs.	Dakota	J. Aruba
...	3	2	1	0	6	4
...	3	2	1	1	11	6
...	2	2	0	0	6	1
...	4	2	0	2	7	8
...	3	0	1	2	0	4
...	4	0	1	3	3	10

PUNTRA POLIS

Rabo

Diabierne nan a avisa un robo den Oubier Welding Shop na Pos Chiquito. No ta conoci ainda kiko nan a horta.

Propiedadnan destrui

Primeramente T.D.B. a informa polisnan cu desconocidos a destrui su number di auto y algun otro adorno mas na bato di f. 25. E auto tabata para den Gensweg.

Den anochi di diabierna pa diasabra nan a tira un piedra kibra glas di auto di H.B. E auto tabata para den Torenstraat. Danjo: f. 390.—

B.A.M. a tira un botter di cerbez riba porta di cas di senjora A.G. y kibra tres jalozie di glas.

E telefoon publico den Fergusonstraat a worde destrui diabierna merdia pa 12'or y rato despues polisnan a logra pone nan ariba e culpable N.L.

A perde

Senior Nicolas Dijkhoff a perde un suma di f. 100.— den vecindario di H.B.U.

Ministro Kroon a regresa

WILLEMSTAD —

Diabierna anochi a regresa foi New York cu avion di KLM ministro di asuntunan social y economico, senior C. D. Kroon na aeropuerto di Dr. Albert Plesman (Hato).

Pa jamé bonbini tabata aya presente: Sr. E. Jonckheer, ministro di Justicia, Sr. R.J. Isa, ministro di Cultura y Educacion, mr. I.C. Debrot, presidente di Staten J.A.O. Bikker, Sr. L.C. van der Linde-Helmeyer y adjunt di gobernador interino, luitenant ter zee 2a clase H.B. Slot.

Acuerdo entre India i Rusia

NEW DELHI, 17 juli. — Un acuerdo a ser firma na New Delhi, segun cual India lo compra 1/2 millon tonelada di producto petrolero di Rusia den curso di e proximo tres añanan. E prome bapor ruso cu mas o menos 12.000 tonelada di zeta ta zeta spera den curso di otro luna. E zeta ruso lo ser bende pa e compania petrolera di India cu ta propiedad di estado. E prijsnan ruso ta inferior di e prijsnan internacional y masha favorable.



See the new
AUSTIN A40
AT

WARENHUIS v. d. REE
LA VICTORIA
Distributors

Pa haci kiko spaar placa caminda
bo ta hanja solamente uno of dos
porciento interes pa anja ora

LA ESPERANZA

TA PAGA 6% OF MAS???

Be always on time with a
GENERAL ELECTRIC CLOCK from

Wimco

CUMPLIANJOS



Every Tuesday &
Thursday
our entertainment
schedule will
appear in this corner.

hotel
aruba
CASINO
CARIBBEAN

Agenda

ARUBAANSE COURANT
diariamente cu excepcion di
diadomingo

Edita pa:
N.V. ARUBAANSE DRUKKERIJ - EN
UITGEVERIJ - EN PUBLICITEITS B.I.
Nassaustraat 85 - O'slad, Aruba N.A.

Suscripcion / 3.— paga adelanta
Edicion suelo 20 ct.

Telefon: 1118 Directiva y anuncio
2118 Redaccion y suscripcion

Directeur-hoofdredacteur: G. J. Staartjes

Imprial na N.V. Drukkerij „De Stad“

CINE

DE VEER 8.30 „The Naked and the dead“ 18 j.
RIALTO 8.00 „Cuatro Copas“ 18 j.
PRINCIPAL 8.00 „Locos Peligrosos“ 18 j.
AURORA 7.30 „Safari Drums“ a.l.
SAVANETA 7.30 „Geef me 'n kans“ 18 j.

WIT-GELE KRUIS

Zr. Ewald - Zr. Perpetua, tel. 2206

BOTICANAN DI WADA

San Nicolas: BOTICA CENTRAL, tel. 5008
Oranjestad: BOTICA DEL PUEBLO, tel. 1233

POSTSLUITINGEN

Maandag
Barranquilla 15.30, Curacao 8.30 y 16.00.
EUROPA 8.30 y 15.30, Miami 8.30, New
York 8.30, Panama 15.30, Caracas 15.30.

RADIO KELKBOOM

Dialuna 18 di juli
11.30 Opening
12.00 Lunchmuziek
12.10 Noticia local na Pap.
12.25 Nieuwsberichten
12.45 Norte Americana
12.55 News in nushell
1.00 Musica varia
1.30 Sluiting
4.00 Musica mejicana
4.30 Noticia local-polis y deportiva
4.45 Cocktail musical
5.00 Danzones Cubanos
5.15 Carlos Argentino
5.30 Alle hens
6.00 Clippings
6.15 Cumple años fella
6.30 Dinnermuziek
6.45 Charla deportiva
7.00 Noticia na Pap.
7.15 Musica Varia
7.30 Musica Italiana
7.45 Nieuwsberichten
8.00 Norte Americana
8.15 Lazzaras de una madre
8.30 Musica varia
9.00 Peticiones
9.20 Maria Victoria
9.45 Lichte Muziek
10.00 Sluiting

NOBO NOBO NOBO
Nassaustraat 34
A caba di jega: Voites di katoena y
daron cu masha bunita disclo pa
falda. Brocat di katoena di Ingla-
terra. Silk organza borda nobo pa
bruid y bruidsmesjes.

ODUBER & KAN
INC.
VERREKIJER
Aruba Curacao

NOTICIA INTERESANTE
Si bo kier pone bo mueble bienw com-
pletamente nobo, bai cerca A. C. He-
yer na Mozartstraat 2 of Jama na tel.
2557 y bo por ta sigur cu bo mueble
bleuw ta bira completamente nobo. E
firma aki tin capacidad pa bati tur
loque bo ta desea. Muebles di cam-
ber, comedor y sala di e material mas
bon cu e tin y esey ta garantia di bo
placa. Inverti bo placa den un cos
bon. Nos por drenta den arreglo di
pago.

RADIO VICTORIA

Dialuna 18 di juli
11.00 Apertura
11.15 E Mundo Femenino
11.30 Noticias di Merida
12.00 Ultimas Noticias
12.15 Musica Sagrada
12.30 World News
12.45 Organ Memories
1.00 Radio Concert Hall
2.00 The Hearing Room
2.15 Sacred Songs
2.30 The Quiet Hour
2.45 Susucos Musicales
3.15 Cafe Con Musica
3.30 Decision
4.00 Musica di Banda
4.15 Roman Castiel
4.30 Vertel Uurtje
4.45 Waltzian Favorito
5.00 Voz del Evangelio
5.15 Musica di Acordeon
5.30 Interludio Musical
6.00 Ultimas Noticias
6.15 Susucos Deportivos
6.30 Noticias Italianas
6.40 Musica Clasica
7.15 The Handstand
7.30 World and the Word
7.45 Miracles
8.00 World News
8.10 Off the Record
8.30 Back to the Bible
9.00 Musical Comedy
10.15 Hymns that Live
10.30 Sign Off

RADIO CARACAS

TELEVISION
Lunes 18 de julio
9.55 Patron de Radio Caracas Television
9.57 Informaciones sobre los programas
del dia
10.00 El Calendario de mama
10.30 Cosas de Mujeres
11.15 Cortos cinematograficos
11.30 La Perfecta Ama de Casa
12.00 Gran Show de las Doce
11.55 Su novela Publico
1.00 El Imparcial Television
2.00 Agenda de Colocaciones por T.V.
2.30 Club Femenino
3.00 Por el Ojo de la Cerradura
4.30 Club de los Niños
5.00 Cortos cinematograficos
6.00 Show de Henry
7.15 La Novela Ace
7.30 La Ciudad Desnuda
8.00 El Observador Croole
8.15 Su novela Palmolive
8.30 Caja de sorpresas
9.00 La novela Camay
9.15 Amador Bendayan en Television
9.30 Documentales
10.00 Por el mundo de la cultura

„VENEZUELA GRAFICA“

obtenible na UNION STORE
Mainstreet — San Nicolas

HBU HBU

Ook voor U:
de HBU

HOLLANDSCHE BANK-UNIE N.V.

WILLEMSTAD - TELEFOON 11340
ORANJESTAD - TELEFOON 1206
SAN NICOLAS - TELEFOON 5090

POWDERED WHOLE MILK

Importrice:
E. & G. MARTIJN
(Aruba) LTD.
Tel: 1492-1493

TA BENDE....

Pa motibo di Viaje
MEUBLES y UTENSILIOS
DI CUSHINA

U. v. BREET
Weststreet 30 — Tel. 2228 — 1106

ILA SOPA CONTINENTAL

...acaba con el mandadot

Antes era un problema
hacer varios platos de sopa de
Pollo y Fideos!
Ahora? Todo lo necesario
se compra ya preparado en un
paquete de Sopa Continental.
Basta verter el paquete en
un litro de agua hirviendo y a
los 7 minutos está lista... ¡y

qué sopa! ¡Una verdadera de-
licia!
Compre hoy mismo Sopa
Continental y ahorre los via-
jes a la tienda! Un paquete de
para 4 personas.



SOPA CONTINENTAL

DE POLLO Y FIDEOS

La de Vegetales es sobrosa tambien. ¡Pruebelas!
ARUBA TRADING COMPANY

UN BRUID COMO OFERTA

pa TUYUCHI

No. 58

„Bo ta bai trobe di aibanda?“
Theresa a sagudi cabez.
„No largu ningun hende drenta mi
cuarto durante mi ausencia. Theodo-
ra. E trapi aki mester quedá un se-
creto den mi cu bo.“
Silenciosamente Theodora a sagudi
cabez i luego el a bai cerca dormito-
rio di Theresa na grenel.
Prudentemente i hizando su traje
pa e no susha esaki n'e trapi tur na
stofi, e tabata baha e trapi. Tabata
mas scur awor cu binha pasa, pas-
obra ya anochi a cerni caha, pero
Theresa tabata conoce camina awor

i ora cu el a alcunza e porta cu ta
guia pa e biblioteca, el a queda para
un ratu silenciosamente ta seucha.
Por tabata cu tabatin un otro hende
den e cuarto, quende no mester u sa
cu e tambe tabata conoce e secreto
di Mandrake. Sin embargo e no a ten-
de nada.
Suavemente Theresa a abri e porta.
E cortinan n'e glanan di bentana
tabata cerra y e belaman den e kande-
laianan tabata condi. Manera There-
sa por a spera, e marqués tabata sin-
ta tras di su lesseznar ta skirbi. Ma-
sha poco poco, manera pa sorpren-

de. Theresa a baha e trapi cu ta guia
pa e cuarto aki. Te e ora el nima el
a bisa:
„Bonochi mylord.“
„Un momento el a pensa cu e mes-
ter tabata parece un fantasma manera
e tabata histi el tur na blancu den
sombra. Y tampoco e no tabata pre-
para pa e grito cu e marqués lo duna,
ora cu un arraque el a hiza su cabez.
Pero ora cu el a mira den e cara
cu a queda ilumina p'e luznan di be-
la, tabata su ocasion awor di dal un
grito.
Tras dje lesseznar no tabata sinta e
marqués bieu, pero su yiu, Justin.
Algun momento nan dos a queda
ta miru otro mudo di asombro. Des-
pues Justin a bula lama y a punte
cu un stem mas bruto cu ta su cus-
tumber:
„Ta quico bo ta haci aqui?“
Theresa a spanta ariba tantu cu e
no por a responde unbez y ora cu
por fin el a calma un poco, el a bi-

sa despues di varios pausa y cu un
stem debil e inseguro.
„Ami... m'a bin bishita bo tata.“
„Mi tata?“ Justin a responde. El a
camina bini for tras di su lesseznar y
a bisa:
„Pero ta absolutamente ningun se-
creto no tin mas den e cas aqui?“
el a informa na un tono skerpi. „Na-
da no por queda secon di bo?“
Su boz tabata asina irrita, cu The-
resa, no obstante su ansia y e hecho
cu su curazon tabata palpita cu ir-
regularidad, toch e quier a mira hu-
mor, dje situacion aqui.
„Ami... ta duel mi terrible“, el a
bisa y e duele, a resona tambe den su
stem beraderamente. Te cu esei a ha-
ci Justin su furia baha un poco.
„Com b'a alcunza aqui?“
„Door dje trapi ei cu ta queda tras
di mi dormitorio.“
Visiblemente e lord su wowonan a
cuminza ta lombra un poco y el a
percura di haci su irato manera antes

pa cu e mucha mube aqui trobe. Y
pa dreeha e asunto el a punte cu un
gesto mostrando riba e stul:
„Lo bo n' quier a sinta un ratu?“
Theresa a cumpli cu su deseo y a
queda ta mira na e macutu cu fruta
den su man.
„Mi quier a trece un regalo chiqui-
tu pa bo tata.“
„Tawo, masha Justin a ripara e ma-
cutu cu fruta.“
„Fresa“, el a grita.
„E promernan dje temporada aqui.“
Theresa a responde.
„Ta foi London nan a bini?“
„No... Mylord... foi hardinnan
di Mandrake.“
Awor e lord a manda su garganta
atras y a cuminza hari asina cordial-
cu e grito a resona den enter e cuar-
to medio scur.
„Wel, mi mester bisa bo cu bo ta
inmemorable.“
Theresa a sinti su tension interior

ta mengua y aunque cu su curazon
tabata bati duro ainda sin embargo e
no tabatin miedu mas. Y esei a oca-
sion cu awor e por a cembarsa mas
franco tambe.
„Ta pa casualidad cu m'a bin resul-
ta aqui den ajera“, el a bisa: „y ta
bo tata mes a suppica mi di bin bishi-
te de bez en cuando aqui.“
„Y ta cont bo por sa cu e ta mi ta-
ta?“
Theresa a queda ta mira e lord a-
wor bao di su wimpnan largu. Y
despues el a bisa: „Mi por a recono-
ce unbez, pero... herdad a bini na
ela, ora cu a bin parece cu bo tata ta
bata un amigu di scol di mi tawela.
Hubert Overley.“
Justin a queda ta fihá e mucha mu-
he aqui y despues el a grita:
„Pero mi Dios, ta com esaki por
ta posible auto!“
Como si fuera e no tabata sa mes
quico e lord a bisa, Theresa a sigui

su idea calmo y a bisa:
„M'a duce mi palabra di honor cu
lo mi no papia over di esei cu nin-
gun hende.“
„Oh si?“ Justin a puntra y como
respondi Theresa a hiza su curá na
laria y su wowonan a bira mas grandi.
„Mylord ta duda den mi?“
„Bo ta un stranjero ainda aqui y
sin embargo den e paar di dia ei b'a
sonda secretonan di mas profundo
den Mandrake. Awor si ta parece mi cu
en realidad mi ta bai cuminza hanja
poco miedu di bo, Theresa?“
„Miedu? Bo ta hanja dibertido di
tentá mi, mylord?“
„No. Mi ta papia herdad.“
„Mi ta hura bo ante cu secreto of
misterionan di Mandrake, pa stranjo
cu nan por ta, lo nan queda salvo
warda cerca mi, mylord.“
E lord a saca su man.
„Bo palabra di honor, Theresa?“
(E ta sigui)

CISCO KID

1. „Para den nomber di ley!”
2. „Mi a bisabo caba cu e no ta tibi pa miedo di herida un otro!” 3. „Mi ta bai contra nan! Nan so sa na unda Pancho ta!”




JUAN EL INTREPIDO

1. „Laga nos separa awor. Juan! Nos lo topa na Nepal... Si nos tin suerte... Adios!” „Cu Mac y Leo bo ta den honnan. Cegui... Sigi bo mision di socorro pa e Tibetanos...” „Adios!”
2. Despues di un vuelo penoso huyendo fuy ataque... „U paco mas leeuw di e sierra ey India ta keda! Bula aki. Kala, si bo no a cambia di idea!” „Mi no a cambia di idea...” „Mi pueblo tin mester di mi!” 3. „Y abo tambe tin mester di mi! Los bo faha. Bo ta han cu mi!” „?”



DICK TRACY

1. Leeuw di e costa di Kona — riba tierra firme... „Kier mecu cu heater mundo ta comovi pa motibo di un mucha muher chiquito? Kien nan?” 2. „Bo a bisa kien? Spots, ho no tin curazon? Mira!” „Ha ha, mi amor, bo ta spantami!” 3. „Kien nan! Tur ta kien! Henter mundo ta kien — un gran kien sentimental!” 4. „Ora eu mi pensa, ta pesey mi bida ta asina facil. E pover nan, Dios warda nan tur!”



RIP KIRBY

1. „Ta bon, mi lo papia cu boso tur dos y lo mi mata dos pajaro cu un cancion...” „Oh, danki!” „Asia mi gusta!” 2. „Mi ta spera bo triunfal!” 3. „Bo ta un mucha muher simpatica!” 4. „Mi ta Francis Fremont. Y mi ta nervioso!” „Hola Fran, Mi ta Rip Kirby y lubida e nervio nan ey...”



EL PRECIO DEL TRIUNFO

1. „Ata bo oficina naval aki, señor...” „Magnifico! Seucha atentamente, Saxon!” 2. „Charkins, nos tin un barco di carga cu ta sali di Marsella pa Oriente? Hongkong? Magnifico! Esey lo tuma un luna...” 3. „Aho y M'sieu Archer lo ser hiba na bordo awo di Marsella! Un viaje largo pa laman lo lagabo pensa riba e fout cu bo a comete!”




EL DIARIO DE UNA VIDA

1. „Señor Jones a sali diez minuut pasa... Pero su jioe muher ta den chamber...” „Ah si? Bisami e number di e chamber?” 2. „Pidi un weja di kofie y ban sinta Julietta!” „Clarisa Roman!” 3. „Mi a promete Ulbeck cu lo mi no bisa ni un palabra... Pero mi ta sinti en ta bini un desastre si mi sera mi boca!”



PEPITA

1. „Mi por banja mi paraplui cu mi a fijabo un luna pasa?”
2. „Kende por a kere?”
4. „Corda bo dunami e back! Mi no a caba di use ainda!”



RECORD NEERLANDES PA RONNIE KROON. Durante e encuentro entre Hulanda i Alemania na Maastricht, Ronnie Kroon di 17 anja di edad a mehora e record Hulandes di 50 meter banen riba 100 meter vrije slag. El a gana e distancia den termino di 57,3 seconde i a queda cu esaki 1/10 bao di Theo Hoogveld. Riba e portret nos ta mira com e poseedor di record ta ser felicitado pa Jan de Vries, pres. di KNZB, den presencia di Jan Bouwman.

Delegacion Hubenil di Baseball ta sali majan pa Caracas

(Di Nos Redactor Deportivo)

ORANJESTAD. — Pa participa den e IV Campeonato Mundial Hubenil di Baseball lo bai den representacion di Anillas Holandesas majan un delegacion di 22 persona for di nos isla. Diezcho di nan lo ta hungador, 1 manager, 1 coach, 1 hefe di delegacion y un representante di A.S.U. E lista di hungadonan ta lo siguiente: Rufus A. Arrindell (pitcher), Dennis Chester Arrindell (outfielder), Eric F. Bergelijk (pitcher), Frank I. Does (outfielder), Esteban Mariano Ellis (primera base), Roy Gibbs (segunda base), Jose Delano Halman (catcher), Julio F. Hazel (outfielder), Rudolf D. Illis (pitcher), Samuel B. Jacobs (pitcher), Isidro R. Maduro (pitcher), Herbert Maxwell (utility), Hubert C. Naar (outfielder), Lesly Roy Richardson (outfielder), Romero M. Taekling (tercera base), Elviro F. van der Biezen (shortstop), Sisiriano B. Willems (outfielder-catcher) y Nicasio Wout (infielder).

Como manager ta bai Agapito Mayor y como coach rosido Rasmijn. Hefe di delegacion lo ta Betto Croes, segundo secretario di A.B.B.A. miembros como representante di A.S.U. lo bai Roy van Putten.

A bordo di un avion charter di Avena e delegacion lo sali rumbo pa Caracas majan atardi mas o menos 5.30.

Campeonato ta cuminda dia 22

E schedule di e campeonato tin como fecha di inauguracion diaviena dia 22. Lo tin e anochi ey desfile di e nueve paisnan participante. Cada delegacion lo wordo apunta un madrina aya. For di cualnan lo keda escogi e mes anochi ey un Reina Mundial di Baseball.

E paisnan cu lo inaugura e campeonato lo ta conoci ainda ya cu un dia promer cu e inauguracion e Congreso Tecnico lo traha e schedule completo di e campeonato. Dia 4 di augustus e campeonato lo mester ta termina.

Hunto cu Cuba y Costa Rica, Aruba e promer den yega

Tambe pa yega Caracas mayan tin anuncia e delegacionnan di Cuba y di Costa Rica. Esakinan lo ta e promernan di e equiponnan visitantes. Pa e siguiente dia a anuncia nan vegada Guatemala y Salvador. E otro paisnan ta wordo spera no mas tarda dia 21. Esaki lo ta di dos hiba cu un equipo di nos isla ta participa den e Campeonato Mundial Hubenil.

Vapor Ruso „Peking” a yega Havana

HAVANA, 17 juli. — E bapor di zeta ruso „Peking” a yega Havana cu 25.000 tonelada di zeta crudo. E zeta Jo ser refina den e refineria di Esso, cu a ser confisca pa gobierno cubano.

Candela a destrui 140.000 quintal di sucu na Managua

MANAGUA, 17 juli. — Un candela fuerte a destrui 140.000 quintal di sucu den un fabrica cu ta propiedad di famia di president Somoza di Nicaragua.

Nota di embahada Mericano na Havana

WASHINGTON, 17 juli. — E embahador, mericano na Hapana, Bonsal a entrega un nota na departamento cubano di relacionnan exterior, acusando Cuba di „agresion economico y politico contra Merca”.

Merca ta protesta contra e ley nobo cubano tocante nacionalizacion, cu segun e nota mericano, ta discriminatoria y arbitraria. Tambe Merca ta protesta den su nota contra trata-

mento di periodistanan mericano na Cuba.

Na regreso di Sra Meir foi Merca

TEL AVIV, 16 juli. — Senjora Golda Meir, ministro di relaciones exteriores di Israel, a declara na su regreso for di Merca, cu e tin un proyecto pa solucionacion y conflicto cu Argentina tocante e caso di Eichmann. E lo presenta e plan aki na Consejo di ministro.

Senjora Meir a indica, cu e no tin intencion di bai Argentina. Al otro lado e no ta duda en absoluto cu e relacionnan bon cu Argentina lo ser restora.

HOROSCOOP

DI AWE
ARIESNAN
11 Maart — 29 April



Bo por sinti un cambio di tempo. Contacto cu familia y hincianan ta promete hopi gozo y placer.

TAURISNAN
21 April — 21 Mei



Un cambio di tempo bo pone bo dispuesto na paga extra atencion na financianan priva y propiedad.

GERMINENAN
22 Mei — 21 juni



Bo ta goza di prome luga den bo propio circulo y bo por cosecha exito cu asuntunan personal.

CANCERNAN
22 Juni — 23 Juli



Bo interesnan priva y negoshian ta existi extra atencion. E vita tur loque por trece desventaja.

LEONAN
24 Juli — 23 Augustus



Sea na bo punto, pasobra bo tin chens di por alza bo entrada diripiente. Bo por logra exito facilmente.

VIRGONAN
24 Augustus — 23 September



Asuntunan cu tin relacion cu negoshi of profesion mester ta dilanti. Atende interes di chens na prome luga.

LIBRANAN
24 September — 23 October



Conseho di personanan cu ta simpatica bo por yuda bo interesnan masha awe. No queda admira si bo programa ser cambia.

SCORPIONAN
24 October — 22 November



Den asunto financiero, largu bo ingeniosidad capacidad papia un palabra. Warda bo energia.

SAGITARIUSNAN
23 November — 21 December



Permiti bo partner matrimonial presenta su mes. Sea dispuesto na coopera principalmente den asunto social.

CAPRICORNIUSNAN
22 December — 20 Januari



Probeca di chens pa atende interesnan di bo trabao, mesos cu relacionnan financiero cu otro nan.

ACUARIUSNAN
21 Januari — 19 Februar



Bo mester di mas tranquilidad di sinit. Bo tin ocasion di ocupa bo cu expansion pero cu persona simpatico.

PISCES
20 Februar — 20 Maart



Tin ocasion pa cos drecha na cas y na trabao principalmente parti di anochi. Atende interesnan di familia.

Petrona & Croes

Dakota - Tel. 1712-1639

ta proyecta y checuta trabau di vermento
Puntra pa nos experto C. v.d. Wurf

Dennis, de schrik van de buurt!



„Wil je ook een biertje, Margaret? Het kost niets, hoor en je komt er lekker dronken van worden”.

„Bo tambe kier un cerbez, Margaret? E n' ta costa nada tende? I bo ta bira fuma dushi”.